

horoskopoa

- A R I E S**
martxoak 21 — apirilak 20
Tortikulis? Ez luzatu hainbeste burua besteek zer esaten duten jakiteko.
- T A U R U S**
apirilak 21 — maiatzak 20
Beti kontu kontari. Beti esatekorik. Baina beti besteen gainekoak. Zureak isilik.
- G E M I N I**
maiatzak 21 — ekainak 20
Gozokien antzerakoa zara: batzuetan gozoa eta bestetan gozoezia.
- C A N C E R**
ekainak 21 — uztailak 20
Hartu motxila eta joan zaitez mendira egun batzuk igarotzera, ideiak argitzera.
- L E O**
uztailak 21 — abuztuak 23
Eskuak behar diren lekuan ez izatea gertatzen zaizkizu horrelakoak.
- V I R G O**
abuztuak 24 — irailak 23
Burutik kendu ezin duzuna ahazteko garaia da, edo bestela berarekin bizitzen ikasi.
- L I B R A**
irailak 24 — urriak 23
Beti zaude gaixo edo erdi-gaixo. Jan izazu kiloka laranja eta isildu zaitez!
- S C O R P I U S**
urriak 24 — azaroak 23
Lehen bero handia egiten zuelako. Orain hotz egiten duelako. Zu bai ulertzen zaila.
- S A G I T A R I U S**
azaroak 23 — abenduak 23
Badakigu burugogorra zarena, baina hori ez da egoskorra izaten jarraitzeko aitzakia.
- C A P R I C O R N I U S**
abenduak 24 — urtarrilak 20
Oskol gogorra eta barru biguna. Ez zenituzke gauzak hain serio hartu behar.
- A Q U A R I U S**
urtarrilak 21 — otsailak 18
Burukomina, zorabioa... Opor txiki batzuk hartzeko garaia da.
- P I S C I S**
otsailak 19 — martxoak 20
Zure izaera bat dator mozorro horrekin eta jada ezin duzu gorde.

Uxue Agirre

efemerideak

Jose Antonio Uriarte hil zen
1869ko otsailaren 20an Jose Antonio Uriarte hil zen. Arrigorriagan (Bizkaia) jaio zen. Frantziskotarra zen. 1856an, Bonabarreakerzkerotik Printzearen kolaboratzaile bihurtu zen euskal lanetan. Haren aginduz Biblia euskaratu zuen gipuzkerara. Zaharreko hiru lehen liburuak argitaratu zituzten. Gainontzekoa Gipuzkoako Di-putazioaren artxiboetan geratu zen. Hura lehen aldia. 1867. urtean hiru zuen la-berrean, medikuen aginduen kontra, eta urte berean, gaurko egunez hil zen. Euskalkien ikerketa sakona egin zuen Uriartek.

1876an Alfonso XII. ak tropa guztien agintaritzaz bereganatu zuen Bergaran.

SANTUAK Polikarpo, Marta, Lazaro, Maite.

telebista - irratia

ARANTXA ARZAK ETA ASIER ODRIOLAK AURKEZTUKO DUTE ETB1-EAN BIHAR HASIKO DEN MAGAZINA

'Lan isilari txalo'

■ Magazin berria hasiko da bihar —hilak 21— ETB1ean: 'Lan isilari txalo'. Ospe handirik ez, baina gizarteko edozein arlotan lan ugari egin duten lagunak omendu eta txalotuko dituzte saio berrian. Hilean behin aireratuko da programa eta Arantxa Arzak eta Asier Odriozolak aurkeztuko dute.

Erredakzioa / Donostia


KULTURAN, giza-harrema-netan, kiroletan edo gizarteko beste edozein arlotan isilean lan handia egin duten lagunak txalotzeko sortu da *Lan isilari txalo*. Magazin berri honetan, omendutako lagunei egindako elkarrizketak ezezik, musikak ere tarte garrantzitsua izango du lagunarteko giroa berotu eta alaitzeko asmoz.

Bihar —otsailak 21— emitituko dute Euskal Telebis-tako lehen katetik (ETB1) *Lan isilari txalo* programaren lehendabiziko atala, gaueko hamarrak aldera; eta bertara gonbidatu dituzten lagunak Kandido Beristain, Kontxa Arrastio, Jose Manuel Garaialde, Angel Oiartzabal, Zorion Mujika, Jose Irasuegi, Andoni Arzallus eta Txelu Etxebarría dira.

Azkoitiko Kandido Beristainek musika konposatzen du, hainbat instrumentu jotzen ditu, Azkoitiko bandako kide da eta irakasle ere bada. Azkoitian orain dela gutxi omendu duten gizon honek pare bat obra interpretatuko ditu *Lan isilari txalo* programan.

Kontxa Arrastio, urteetan misiolari lanetan ibili ostean, Euskal Herrira etorri eta, gurasorik gabe geratutako zenbait haur bere etxean hartu eta hazi ditu nagusi egin arte.

Angel Oiartzabal eta Zorion Mujika, berriz, luzaroan beren bizilekuetako berriemalle izateagatik omenduko dituzte. Alegiko berriemalle izan da Oiartzabal, eta Lazkaokoa



Arantxa Arza eta Asier Odriozola dira ETB1eko magazin berriko aurkezleak.

Mujika.

Jose Manuel Garaialde frantziskotarra, ostera, Arantzazuko egutegi ospe-

tsuaren egileetako bat da. Aurten, hain justu, 50 urte bete ditu egutegi entzutetsu horrek. Jean Iturria ere izango da *Lan isilari txalo* programan. Pilotazale handia da Iturria, eta gazte asko eta asko pilotan zaletzeko lanean aritu da.

Jose Irasuegi eta Andoni Arzallus, Ertzika zortzikoteko abeslariak; eta Txelu Etxebarría, Galdakaoko Andra Mari dantza taldearen sortzaile eta partaidea ere gonbidatu dituzte biharko programara.

Gonbidatu horiei egindako elkarrizketez gainera, Amaia Zubiria, Panpi Ladutxe, Andra Mari abesbatza, Euskal

Kamerata eta Zabale anaien emanaldiek osatuko dute magazin berriaren biharko atala.

Omenduei egindako elkarrizketez gainera, Amaia Zubiriaren, Panpi Ladutxeren, Andra Mari abesbatzaren, Euskal Kamerataren eta Zabale anaien emanaldiek osatuko dute magazin berriaren lehen atala

Kandido Beristain,
Kontxa Arrastio, Jose
Manuel Garaialde, Angel
Oiartzabal, Zorion
Mujika, Jose Irasuegi,
Andoni Arzallus eta
Txelu Etxebarría
omenduko dituzte
biharko saioan

Ene ba bideoak;

dia erakutsi besterik ez dute egiten Espainiako eta Euskal Herriko gobernariak, guztiz koldar eta inkontzienteki.

Azken finean, politikoki zuzena ez dena baloratzen duen komisio fiktizio horrek, ez al du PSOEk egindako bideo propagandista ikusi? Gustu txarrekoa, pornografikoa eta xinglegia da. Are gehiago esango nuke, non utzi dituzte irudimen publizitarioen oinarriko minimoak? Erabili izan dituzten metaforak, barregarriak baino inozoak dira, lagunok. Espainia positiboan horrela ikusten badute, zer izan daiteke *negatiboz* ezagutzeak, lagunok... Baina, kanpaina politikoen euskarri katodikoetatik pixka bat urrunduko naiz telebista den nire *leit motiv* kritikoetara murgiltzeko. Zuzena dena eta ez dena neurtzen duten gizon onegi horietan, arestian

aipatutako komisio horrek, hain zuzen ere, ez al du, bada, inoiz telebista bera ikusi? Bestela programazioan dauden saioen zerrenda luze bat legez kanpo jarri beharko luke. Bilduma horiexen izenak oso luzeak suerta daitezke zutabe honetarako eta agian beste egun batean aipatuko dizkizuet, lagunok. Diru mordoa ematen duten audientzia eta publizitatearen aurrean, begiak gogoz ixten dituzte. Baina oso definitiboak izan daitezkeen hitz hutsen —HBk erabilitako bideo horretan ez baitago ez odolik ez armarik— beldur dira, berriz, hemengo eta hango politikariak. Hala ere ezinezkoa da erreala dena debekatzea, eta dagoena beti azaleratzen da, nahi eta nahi ez. Lasterrago edo geroago erditzen da, landatu dena. Eta abortatzen dena ere, hor dago.

Ines Intxausti